

1 TIMOZI

Warage Codoi o Ayeedek Pəl Timozi

1 ¹ Aneeta Pəl o keen toonnyai o Yesu Kiristo eo aricanekan aneet Jooi ween ruguzoi onai been Yesu Kiristo o kare naaga nōnō tuwenta ka kabada katin. ² Kayeedekin warage nico ineet Timozi o een ŋeeran ween didi tuwenta. Abon bai Jooi ween baatina been Manyi ona Yesu Kiristo anyin deten been ganon.

Abon abilne ol o ademez vōlōŋ

³ Karooŋnyin naana ineet aavu kuture ci kazi Evesos neke kiyo baale karicanekin ineet iitene baal kakoye looce o kazi Masidoniya e, eeci anyak ol oogi ŋinaante ci ademzek gōnōgi vōlōŋ. Ricanek zin niina nōōgō keelti demziin nico. ⁴ Duwak nōōgō ka calaŋ agam ŋataŋaridet o ol o reen kibeen borzet o akati jijitigaac, eeci kaala nicigi anyaa daŋon, ma alaŋ atiritet ageet liŋliŋonte o Joowo ajoyai tuwenta doon. ⁵ Karicanekin zin ineet zōz nico o, eeci karooŋ ol o atu Yesu kanyayit reezonet o aku ziniz vooritina, ki baabaninet ci abon ŋume o Joowo been tuwen ceen didi. ⁶ Ol ogene otoŋit gōl nico, ma bar imiirtozek zoozok ci akom keŋti. ⁷ Arōōŋ niigi kiziti alaŋ ci ademzek ol lotinok o Joowo, maje bar niigi alya eleetine ugeec alaŋ aga zoozok ci aduwa o, ma buk alaŋ aga keŋti ci demziin ci ademzek niigi ol zinzeetine ugeec dook o. ⁸ Kaga ŋedet naaga lotinowa abon ŋaati kaliŋliŋi nōōgō gole ci abon. ⁹⁻¹⁰ Abon zin kaga naaga lotinowa alaŋ agōōnyak ol ci abon, bar agōōnyak ol o abaca kaal o ger ola, kibeen ol o oŋenu alaŋ arōōŋ Jook, ki ol o aruk baatigeec ki yaatigeec kadaayito, ki ol o monyento, ki ol o awaŋiz, ki ol o anyek eleeti kiziti ŋaai, ki ol o agōōz dōl, ki ol ween vōlōŋnyok, been ol o agōōn kaal o ger alaŋ agano kibeem demziin ween didi. ¹¹ Ma demziin nico ajoyai waragewe o kaviyak o Jook o adiŋdiŋ. Nōōnō zin neen o anyan aneet zōz o abon ka kuduwak naana ol dook.

Anaat Pəl Jook

¹² Kanyi zin zany Yesu Kiristo ween Manyi onai giye o anyan niini aneet dōyiz liŋliŋonte onan. Kanyi buk zany nōōnō, eeci anyan niini aneet kizi eet ci iimi ziniz, ma aŋeranan ka kilinliŋozek nōōnō. ¹³ Mayo nuun da baale kamumuz naana nōōnō, ma kagidi e, ŋaan niini kotoboran aneet nōkō, eeci waanice ŋaan naana kutuwō, ma kagoon kaal niceke giye o ŋaan kagawi nōōnō. ¹⁴ Anyan zin Manyi aneet bonate onin adikir tuwen ki reezinet o kajowa naaga ŋaati karomoneke Yesu Kiristo. ¹⁵ Alēm zin didi zōz o azi ne, Akunak Yesu Kiristo looc ka kiiya korogoz ol o oŋenu. Ma zōz nico zōz ceen didi, ma abon kazooni, eeci naana alya kabaca oŋe kujuk ol dook. ¹⁶ Ma bar ŋaan kawucne Jook nōkō, eeci arōōŋ Yesu Kiristo kutuguwan aneet kizi yabziin ci ka keyeleke niini ol dook o ka tiŋeere kivita kutuweec nōōnō ziniz laliz onin eete ci abaca kaal oŋot kiyo naana o ka kojokta niigi roget o abil been neen ŋaati atuwi Yesu. ¹⁷ Abon zin kadiŋdiŋan Jook. Ma katitiny nōōnō kodot. Niini nyakarajatoi o tammu tadenu ki looc. Alaŋ naaga nōōnō kacin, ma alaŋ niini adaai been neen. ¹⁸ Timozi o een ŋeeran tuwenta, karicanekin zōz nico o ka lam ol o ademzek gōnōgi vōlōŋ, ebaal aduwan ol o tuwento waan baal azōōzi niigi gi o akanin ineet e. Abon zin azoone zoozok nicoko ka kizi dilanya cugun oŋe Loryen juruŋ. ¹⁹ Abon buk azoone tuwen unun been ziniz vooritin juruŋ. Tugu tup nōkō kaal ci abon, eeci ol ogene otoborit baabaninet o abon, ma bar aŋera gerzitin, makacin uulalit tuwen uneeŋ kizi gerze. ²⁰ Ma ol ci agōōn kaal nicoko o awōyi Emaniyas been Alikzandar. Kanyeya zin naaga nōōgō Loryen ka kigit niini nōōgō ka kedemeziti niigi zōz calaŋ amomozi Jook bodo.

Gōl o adiŋdiŋani ol o tuwento Jook

2 ¹ Inoko zin rak oŋwa karicanekuŋ iheet ijintek Jook ol dook. Ilaltek Jook ŋaaten nōōgō. Anycek buk Jook zany kaale o agoonek niini nōōgō. ² Ijintek Jook alaŋ o adikir ki ol dook o alinliŋ been nōōgō ka kabaayit naaga yaak ganonta, ma kagōōn kaal o arooŋket Jooi ageet zinzeetine ci abon. ³ Mā kagōōn nōkō, abon. Ma buk koca atalne Jooi ween ruguzoi onai. ⁴ Arōōŋ niini ol dook kagaac zōz ween didi ka kojokta niigi roget o abil been neen. ⁵ Eeci adoye Jooi tōr nōkō. Buk eeti o arom Jook kibeem ol o deer adoye tōr nōkō. Zin eeti nico Yesu Kiristo neen. ⁶ Nōōnō neen o adaai ka kōōga ol daayize onin cabiinte o Loryento. Agooni gi nico iitene o arek Jooi, ma ayelza buk gi nico zōz o arōōŋi Jooi ol dook korogti. ⁷ Zin giye nico eŋerawan Jooi aneet kizi toonnyai ci kuwayi ole ween moden, ka kedemezek naana nōōgō tuwen been gōl ween didi. Ma zōz ci kaduwakin noko alaŋ een vōlōŋ, bar zōz ceen didi.

⁸ Karooŋ zin naana ol o mac tuwento dook kagaac gōl ci aŋaryin. Karooŋ naana ol o didi arek zinzeeti ugeec Jook. Mazi adonek niigi Jook azeen ŋaryiinta, abon agōōn nōkō ŋaati akōmni daŋon been bornet nōŋ zinzeetine ugeec.

⁹ Karooŋ buk ŋaai kanyayit rumane ci abon calaŋ een rumane ci ayelzan eleeti irenōnta. Ma alaŋ aluc ooti gole ci irenōnto. Ma alaŋ aborcek warki ki kalbe ci ka kiirenti. ¹⁰ Bar abon agōōn niigi kaal ci abon ci ayelza gi o eegine niigi ŋaai ci atu Jook. ¹¹ Abon ŋaai azii demziin jayinta, kōkōm daŋon. ¹² Alaŋ naana karooŋ ŋaai kedemeziti ol ci mac, karabōŋ bar ka kanyayit niigi alaazet ci ajuki nōōgō, bar abon niigi ajaki. ¹³ Kaduwa zōz nico o, eeci baale eenyca Jooi oŋwa rak Adam. Ma vurta eteenya ni Eev. ¹⁴ Ma buk baale Loryen alaŋ alaba Adam, bar alaba Eev, ma uulal niini lotinet o Joowo. ¹⁵ Bar zin Jooi arogoz ŋaai gole o aritan niigi dōl, mate amena niigi tuwenta ki reezinta been ŋaati agōōni niigi kaal ci abon arōōŋ Jooi calaŋ iiren.

Baayiz ci alaŋ o bor o Joowo

3 ¹ Zōz zin ceen didi ce. Mā arōōŋ eeti kizi alaan ci bor o Joowo, gi nico abon oŋot. ² Abon zin alaani ci bor o Joowo een eet ci abaak baayiz calaŋ aŋōmōti ol nōōnō gerze. Abon anyak niini ŋaa codoi tōr nōkō. Abon ageny niini, ma azooni ele kaale o ger dook. Abon een eet ci eezeto. Abon een eet ci akat gōl. Abon een eet ci aga warage o Joowo juruŋ, ma anim kedemezek ol. ³ Ma alaŋ een eet ci abaaki nyaantanen, ma alaŋ avaraciz. Bar abon een eet ci iina ziniz. Ma abaak been ol ganonta, ma alaŋ areez arōkzet. ⁴ Abon een eet ci abal kōrōk onin juruŋ, ma azii dōlya ogine nōōnō juruŋ. ⁵ Eeci mā alaŋ eeti abal kōrōk onin juruŋ, azooni zin koca niini bor o Joowo ku? ⁶ Alaŋ abon ŋaati eene niini eet ci jōr atuwe, gerze ŋaan aku adōŋ ele, ma apayek Jooi nōōnō gerzitin kiyo baale apayek Loryen giye o adōŋi niini ele e. ⁷ Buk abon een niini eet ci atitiny ol o alaŋ atuwe nōōnō ka calaŋ avunak zoowawa ci gerze adeti Loryenti nōōnō.

Baayiz ci tiritok o bor o Joowo

⁸ Abon zin buk ol o atirit bor o Joowo een ol ci amora ol nɔɔɔ bonate uneɛj, ma abon aleem niigi tup. Alaɗ abon ɗaati awodi niigi nyaan ɔɔɔt, ma alaɗ buk abon ɗaati anyayi niigi zinzeeti appinzet ci arokzetu. ⁹ Abon agam niigi zɔɔz o tuwento een didi ayelezonet ageet. Abon agam niigi zɔɔz nico zinzeetine ci vɔɔr. ¹⁰ Abona rak ɔɔwa acinnyai niigi zee mazi agɔɔn kaal ci abon, ɗaan zin anyonek nɔɔɔɔ liɗliɗɔni ka kiziti ol ci atirit bor o Joowo. ¹¹ Abon buk ɗaai cigeec o eegin ɗaai ci abon zinzeeti iinya dook, ma alaɗ aɗɔmɔt ol gerze. Bar abon ageny niigi genyiz ci abon. Abon agɔɔn kaal dook zinzeeti imeenta. ¹² Abona zin tiritoti ci bor o Joowo anyak ɗaa codoi ɗɔr nɔkɔ. Ma abon abal niini dɔl ogin ki kɔrɔk onin dook juruɗ. ¹³ Ma tiritowa o bor o Joowo o gɔɔn agɔɔn liɗliɗonok ugeec juruɗ ajowa niigi naatinet ci abon ɔla. Ma anim buk niigi kozoozit tuwen uneɛj atuwi Yesu Kiristo ɔla.

Zɔɔz o titiny tuwente ona

¹⁴ Mayo nuun kayeedekin rak ineet warage nico o, naana alya karoɗ kiiyayin kataman. ¹⁵ Mazi te bar alaɗ kayiya taman, ɗaan ayelekin waragewi nici ineet ka ga gɔl o abon abaayi ol o atu Jook o arogi. Nɔɔnɔ neen ween kitiir o zɔɔz ween didi tuwento. ¹⁶ Akom zin eet ci ka kadaɗ diɗɗiɗon o akati gɔl o tuwen onai baal rak aroodi e. Gɔl zin o tuwen onai neen ce. Eyelizai Yesu Kiristo loota alye ci eet ci deer. Ma ayezla Vɔɗɗi o Joowo bonat onin kizi didi niini ɗeerti Joowo. Ma acin toonnyawa o Joowo nɔɔnɔ. Ma uuwak ol zɔɔz o akati nɔɔnɔ loocok dook. Ma atu ol ci meel nɔɔnɔ loocok dook. Ma adɔɗ Jooi nɔɔnɔ akɔyi tammu tadana diɗɗiɗonta.

Zɔɔz ci akati ol o ademɛz vɔlɔɗ

4 ¹ Azi zin Vɔɗɗi o Joowo ne, “Katin iinyaye ci avu e ooɗ ol ogen tuwen uneɛj, ma avɔ azii niigi zɔɔzok ci miniɗ ceen voloɗɗnyok, ma ano demziinok ci akati Loryen.” ² Ma ademzek demziinok ci voloɗɗo noko ol oogi, kɔkɔm alyaan kina. ³ Ademzek niigi ol gi ci anek ne, “Gerze rociin, ma buk gerze dayiin ogen ɗaati kadayi.” Bar zin kaga naaga ɛenyca Jooi dayiin nicoko ka kadayit ɗaati rak anyeke ol o tuwento o agaac zɔɔz ween didi nɔɔnɔ zany. ⁴ Eeci kaala o ɛenyca Jooi dook abon, ma akom ɗaatineɛj ci ka kotoborit. Kanim naaga kadayit nɔɔɔɔ dook labak ɗaati kanyeke Jook zany ɗaryiinta. ⁵ Eeci zɔɔz o Joowo kibeɛn ɗaryiin anyek kaal dook kobonta.

Ilot Pɔl Timozi

⁶ Mā aduwai kaal nicoko gonogu oogi, iize koca niina didi gabaren ci Yesu Kiristo abon, ma iroktai zooze o tuwento kibeɛn demziinte ween didi gɔɔn ano niina. ⁷ Dewa zin niina ele ɗataɗaridete o alaɗ akati zɔɔz o Joowo, eeci niigi kaal ci labak. Bar demɛz niina ziniz cun o juruɗ kɔdɔk tuwenta ka baak baayiz o arɔɗɗ Jooi. ⁸ ɗedɛt demziin ci kademzi ele eci bitaalu ka kɔdɔk, abon labak. Bar zin demziin ci kademzi zinzeeti ogaac kodoyit gole o Joowo, abon ɔɔɔt golowe dook, eeci atiritet ageet rogete ci kanyak noko, been buk rogete ci katin ka kiiya e. ⁹ Nici zɔɔz ceen didi. Abon agam juruɗ, ma abon atu. ¹⁰ Gi o zin gɔɔn kɔɔre naana nɔɗ, ma kaliɗliɗi ɔɔɔt o neen ce. Kaga naana kanyak naaga ɗintinai Joowe o anyek roget ol dook, ricik ɔɔɔt ol o atu nɔɔnɔ.

¹¹ Karooɗnyin zin naana ineet tilo gonogu. Demɛzek buk nɔɔɔɔ zɔɔzok nicoko juruɗ. ¹² Zooti zin ele ka calaɗ apezin ol ineet giye o ɗaan ɛene kidic, bar abon ayayizin ol o tuwento ineet zɔɔza, ki kaale o abon agoon, ki reezinta, ki tuwenta, been ziniz vooritina. ¹³ ɔɔrɔɗɗ liɗliɗ juruɗ. Keebek ol dook waragenya o Joowo. Uwayek nɔɔɔɔ zɔɔz onin. Demɛz nɔɔɔɔ nɔkɔ zee been iiten ci kakunakuɗ naana igeet e. ¹⁴ Má acelbezani dɔyiz o Joowo baal anyonekin ineet iitene baal ataadekin alaata o ol o Joowo ineet azeen, ma aduwakin niigi ineet liɗliɗon o Joowo ka tugu e. ¹⁵ Rican kaal nicoko. Arek ziniz liɗliɗi juruɗ ka kicinil ol dook tuwen unun azaaci akɔ ki taden. ¹⁶ Zooti zin ele cun o ki demziin cun o. Meda tugu kaal nicoko, eeci mā agoon nɔkɔ, aruguz koca niina ele cun o kibeɛn ol ci aziɗɗin ineet o buk.

Gɔl ci kabali ol o tuwento

5 ¹ Má agernyei eet ci adikir ɗaatun, bar abon iloti nɔɔnɔ ɗoliinta kiyo baatune o. Imicit ki lɔɔz o ɗaan ɗaaz kiyo gotonogu o. ² Imicit ki ɗaai o mayan kiyo yaatugune o. Maje ɗaai ween nyameka imicit ki nɔɔɔɔ kiyo ɗoonogu o zinize ci vɔɔr. ³ Tirit ɗaai o boi o didi apirna, ma akom eet ci ka kitirit nɔɔɔɔ. ⁴ Bar mā anyak ɗaa ci boye dɔl cigin karabɔɗ een dɔl ci dolenu, abon dɔlya nici aga rak ɔɔwa liɗliɗon o Joowo gole ci azooni niigi ol o ceez uneɛj juruɗ. Ma agɔɔn niigi nɔkɔ, uruktek koca niigi baatigeec ki yaatigeec ki jijitigeec been abetigeec kaal baal iroktan niigi nɔɔɔɔ e, ma nicini gi o arɔɗɗ Jooi ɗaatineɛj neen. ⁵ Zin ɗaa ci boye didi mā aavi doon kɔkɔm eet ci atirit nɔɔnɔ, abon arek niini ziniz onin Jook doon, ma amena ajin niini nɔɔnɔ kaale ogin arɔɗɗ dook waazin ki baalin. ⁶ Maje ɗaa ci boye mā arɛez kaal ci loocu ger noko, adaawun niini ɗume o Joowo kɔɔɔ jena korok nɔkɔ. ⁷ Duwak zin nɔɔɔɔ zɔɔzok nicoko kagaac ka kɔkɔma eet ci aɗɔmɔt nɔɔɔɔ gerze. ⁸ Zin ma alaɗ azooni eeti atenok cigin, ricik ɔɔɔt ol o ceez onin ele, alaɗ koca niini atuwe didi, ma gerze niini ɔɔɔt kujuk eet calaɗ atuwe. ⁹ Teyeeɗ zin waragewe o ɗaai o boi zaar ci ɗaai o atayanɗit irkitowa ugeec tiryanto eet iyyu. Bar zin buk abon een ɗaai ci da arik lak codoi ɗɔr nɔkɔ. ¹⁰ Abona zin een ɗaai ci agayi bonati uneɛj ɔla dook juruɗ, ma iroktai niigi dɔl ugeec juruɗ, ma atalna keɛrɔn korgine ugeec juruɗ, ma agɔɔn ol o tuwento juruɗ ɗaati acelbezani niigi eleeti, ma atirit ol ci apirna, ma agɔɔn kaal ci abon iinya dook. ¹¹ Má ayeedi zaar ci ɗaai o boi ɗaan een nyameka. Eeci ma ɗaan arɔɗɗ zinzeeti ugeec riyet bodo, ooɗ koca niigi tuwen uneɛj atuwi Kiristo, ¹² ma apawonek nɔɔɔɔ gerzitin giye o otoɗti niigi tuwen baal aterkedek niigi Kiristo ɔɔwa e. ¹³ Ma buk koca adem niigi gɔl ci adican iiten dook ɗaati azɔbi korogjok culu. Alaɗ een zin bar buk kaal nicoko doon, bar buk koca bodo agɔɔn niigi kaal oogi ci ger ɔɔɔt kujuk nico kiyo ɗomtiin ci aɗɔmɔt kaal ci voloɗɗo. Ki zɔɔz ci aɗɔɔneke zɔɔzok culu. Ma aduwa kaal calaɗ waan agano ɗaati aduwan. ¹⁴ Ma zin ecan abon ɗaai o boye een nyameka arik bodo ka kanyayit niigi dɔl cigeec, ma azooni ceezi cigeec ka calaɗ anyek ol o amarninet ageet bor o Joowo gɔl ci azoozet gerze. ¹⁵ Kaduwakin gi nico o, eeci baale ɗaai ci boye ogen otoɗit gɔl o Joowo, ma ɔɔɔ oneɛ Loryen. ¹⁶ Mā anyak ɗaa ci atuwe, ma arome niini ole onin kibeɛn gɔɔɗi ci boi een atenok cigin, abon azooni niini nɔɔɔɔ calaɗ anyek nɔɔɔɔ kitiyicil bor o Joowo. Ka zin bor o Joowo kuzuuti niigi ɗaai o boi o didi aavtiz niigi doon, kɔkɔm eet ci atirit nɔɔɔɔ.

Ol o mayan ole o tuwento

¹⁷ Mazin ol o mayan gʻoon arayin gʻoonɔgi o tuwento juruŋ, abon atitiny ol o tuwento nʻooɔɔ, ma aruwek niigi nʻooɔɔ kaal ci agano ki liŋliŋon uneen lak ram, ricik ɔɔɔt ol o mayan alinliŋ ɔɔɔt ŋaati uuwayi kibeen ŋaati ademzi ol. ¹⁸ Eeci azi waragewi o Joowo ne, “Má acabi taŋ otok ŋaati uurtane labi.” Ma azi buk ne, “Eet ci alinliŋ abon aruwonek nʻooɔɔ ɔyita ci agano ki liŋliŋon onin alinliŋ.”

¹⁹ Ma anyak eet ci akolak gon ci mayan ole o tuwento rooni, má azii zʻooɔ cin o been neen, dook e coma anyak niini bacok ceen ram, karabon een iiyu. ²⁰ Gerenyek zin kole kʻorgena ol o mayan tuwento gʻoon amena abaca oŋe, ka ol o mayan ogen o ŋaan kabaca niigi gi ci ger kanyayit ŋoliin. ²¹ Karicanekin zin naana ineet ŋume o Joowo, ki ŋume o Yesu Kiristo, ki ŋume o toonnyak o Joowo, ka zooti zʻooɔ nico. Toboz ol dook kotobto calaŋ anyayei oogi ŋaatineen tel kaale o agoon niina dook. ²² Má ayuwonei zʻooɔ ci ataadeke azéen eet ci ka kilinliŋozek Jook. Má aromonei ol oogi oŋene cigeece. Dewa niina ele cuno kaale o ger dook. ²³ Má ŋaan zin awudi maam doon. Tar buk nyaan ci miliny ka coma atiritin giye o gʻoon amʻorne keŋ tup. ²⁴ Ma oŋe ci ol oogi ayelzai kagaye, ma agano ŋaati apawoneke nʻooɔɔ gerzitin inoko o ele. Maje oŋe ci ol oogi aroodi zee ma avo ayelzai katin. ²⁵ Mazin buk gole ci abil nʻoko liŋliŋonowa o abon ayelzai kagaye. Yo nuun anyak calaŋ ayelzai juruŋ, ako ni zee ayelzai kagaye buk.

6 ¹ Abon zin gabara o atuwe atitiny niigi zinzeetine ugeec dook ol ugeec alinliŋonek, ka calaŋ azʻooɔ ol ogen zaar o Joowo kibeen demziin onai gerze. ² Ma buk gabara o alinliŋonek ol o tuwento alaŋ abon ŋaati apezi niigi nʻooɔɔ giye o eene niigi gʻoton tuwenta. Bar abon alinliŋonek niigi nʻooɔɔ juruŋ, eeci ol ci alinliŋonek niigi, ma ajowa bonat liŋliŋonte o alinliŋoneke niigi nʻooɔɔ noko, gʻotonɔgi o areez niigi nʻooɔɔ ŋaaten Kiristo. Demezek zin kaal nicoko ol o tuwento dook. Ricanek nʻooɔɔ kuzuuti kaal nicoko juruŋ.

Demziin ween volon

³⁻⁴ Ma anyak eet ci ademez ol demziin ci aŋɔɔwɔ kibeen zʻooɔ o Manyi onai Yesu Kiristo een didi kibeen demziin o tuwen ona, koca niini eet ci olla adon ele gaga, ma akom niini gi ci aga kina. Ma eeti ci abil nʻoko anyak niini ziniz ci ger arɔɔŋi daŋon kibeen yʻowon. Ma kaalyana nici anyaa madkon, ki ŋeron, ki kanon volonɔ, been baabaninet ci ger anyeke ol gʻoonɔgi oogi kiziti gerzete.

⁵ Ma daŋonowa nicigi avu ole o akom baabani ootine ugeec, ma alajaan aga niigi zʻooɔ o Joowo een didi. Bar abaaban niigi kizik gʻol ci Joowo o gi ci kajowan arɔkzet.

Arozkzet ween didi

⁶ ŋedet gʻol o Joowo anyek eet kizi aroi. Agʻoon zin nʻoko ŋaati anyeke eeti ziniz onin keleento kibeen kaal ci olla te anyak niini. ⁷ Eeci baale ma karitai e, akom gi ci kanyaak looc nico. Bodo buk tiŋeere ma kadaai, akom gi ci kavoyi looce nico. ⁸ Zin gʻoon mate kanyak dayiin ci miliny, karabon een rumane, abon kaleeno been nicoko ele labak. ⁹ Maje bar ol o gʻoon arɔɔŋ arɔkzet, avunak nʻooɔɔ cinanowa ci anyek nʻooɔɔ kanyayit baabaninet ci ger tarbal zee makacin didi uualte niigi kizi gerze. ¹⁰ Eeci reezinet ci arozkzetu ŋino akanan gerzitin dook eete ci deer neen. Zin gole nico anyak ol oogi ci arɔɔŋ arɔkzet ɔɔɔt, ma oon tuwen uneen, makacin anyaaktak eleeti piryakzet ci appe awucni nʻooɔɔ zinzeeti ugeec kaale ci meelik.

Ilot Pol Timози

¹¹ Bar zin niina eeti ci Joowo o, dewa ele kaale nicoko dook. Ɔɔɔɔŋ tugu kaal ci abon tup. Baak baayiz o arɔɔŋ Jooi. Zooti tuwen ki reezinet. Mez kaalyan zinize ci alal. Abon atibez. ¹² Ɔɔɔɔŋ baak baayiz o abon tuwento ka jowak ele cun o roget o abil been neen baal laadun awekin Jooi ineet iitene baal ayelzane tuwen unun moozeta ol o meelik kʻorgena e.

¹³⁻¹⁴ Karicanekin zin naana ineet zʻooɔ nico ŋume o Jook o anyek roget kaal dook kibeen ŋume o Yesu Kiristo baal ayelza tuwen onin moozeta ŋume o Pantas Pailat e, ka zooti zoosok nicoko. Gam juruŋ calaŋ abaci zee been iiten ci abadaan Manyi ona Yesu Kiristo katin e. ¹⁵ Abada katin niini iitene o arek Jooi o adiŋdiŋ ween alaan o abal kaal dook. Ma een niini alaan o alaat dook, ma een Manyi o kaal dook. ¹⁶ Nʻooɔɔ doon neen o alaŋ adaai been neen. Ma abaak niini vooritine ci akom eet ci deer anim kʻoŋoŋo. Akom laadun eet ci icinun nʻooɔɔ, ma akom buk katin eet ci anim kicin nʻooɔɔ been neen. Anyak niini diŋdiŋon kibeen dayiz o abil been neen. Nʻooɔɔ neen.

¹⁷ Ricanek zin ol ween arɔk kaale o looc nico, ka calaŋ niigi abolol arozkzete ci celbez noko. Bar abon arek niigi zinzeeti Jook o anyet ageet kaal dook irkente onin ka katalto. ¹⁸ Ricanek zin nʻooɔɔ kutuguzo kaal ci abon ka kiziti niigi arɔk gole ci agʻooni kaal ci abon. Abon niigi iirki, ma azol kaal ugeec kibeen ol oogi. ¹⁹ Mazi agʻoon nʻoko, itaŋtek koca niigi eleeti ugeec arɔkzet o adikir tammu tadena, ma ajowa katin niigi roget ween didi o abil been neen.

²⁰ Timози, zooti zʻooɔ ci baal anyin Jooi ineet o. Dewa ele zoosowe o ger kibeen daŋonte o tarbal gʻoon anyek ol ogen volonɔ kizi genyiz. ²¹ Eeci ol ogen abaaban niigi kizik anyak genyiz, makacin gole nico okolozit niigi tuwen uneen. Abon bai deteni o Joowo abil ŋaaten iget dook.